

Fond za zaštitu depozita  
Podgorica, 29.11.2019. godine

### **Održana XI sjednica Upravnog odbora Fonda za zaštitu depozita**

Upravni odbor Fonda za zaštitu depozita održao je jedanaestu sjednicu, kojom je predsjedavao predsjednik Upravnog odbora Fonda Dejan Vujačić.

Upravni odbor Fonda je razmotrio i usvojio Odluku o visini stope za obračun redovne premije i načinu obračuna redovne premije za 2020. godinu, kojom je iznos stope zadržan na istom nivou kao za 2019. godine.

Upravni odbor Fonda je razmotrio i usvojio Program rada Fonda za zaštitu depozita za 2020. godinu, a koji je sačinjen na bazi aktivnosti koje su započete u 2019. godini i predvidljivih aktivnosti u 2020. godini koje se sastoje od redovnih aktivnosti, aktivnosti vezanih za početak primjene novog Zakona o zaštiti depozita, izrada i usvajanje podzakonske regulative, aktivnosti vezane za Radnu grupu 9 u okviru pregovora za pristupanje EU, i aktivnosti isplate garantovanih depozita deponentima banaka nad kojim je otvoren stečajni postupak.

Upravni odbor Fonda je razmotrio izvještaj o visini ukupnih depozita, visini garantovanih depozita i stanju sredstava Fonda na 31.10.2019. godine. Konstatovano je da ukupna sredstva Fonda na 31.10.2019. godine iznose 58 miliona eura, ukupni depoziti 3,5 milijardi eura, a garantovani depoziti 1,5 milijardi eura.

Upravni odbor Fonda je na današnjoj sjednici razmotrio i druga tekuća pitanja iz svoje nadležnosti.